

武林掌故叢編

西
人
閨
詠

道光丁亥漢皋青鸞閣原鐫
光緒丁亥西泠翠螺閣重梓

顧道居士跌宕名場浮沈宦海出處蹤跡一見於詩松壺
子翠屏洲農兩序言之詳矣若其結契煙霞寄情花月雅
尚所託別有會心則又龐公冥鴻之操莊生夢蝶之旨也
余忝中表兼以內兄弟之誼習君最久知君最深今跡其
瑣事可資談助者以類敘之君初爲詩苦無指授惟事博
覽騷選之外取庾蘭成江醴陵李昌谷玉溪溫飛卿諸家
集誦之會琅嬛先生以仿宋畫院團扇試杭州詩士詩佳
者許贈以扇君詩佳得扇聲譽頓起人以陳團扇呼之曼
生爲刻團扇詩人小印論者比之崔鶯鶯謝胡蝶梁山舟
學士見君才品重之語人曰此君風骨英異胸襟高曠湖

山之秀鍾毓獨深不當徒以文人才士目之君既有名乃
刻意爲詩初肆力於梅村祭酒家無藏本借鈔成誦集中
長篇如小忽雷侯夫人秦良玉沈雲英雲顰娘龍幺妹瓊
華島芙蓉殿甥舅碑宮人斜神似永和宮詞蕭史青門曲
赤陵女子琵琶歌尤似漢槎浚稽山詞也嘗月夜獨游海
上觀夜潮自海門入銀濤雪浪滾滾西上向富春去醺酒
獨酌賦詩從琅嬛先生北游道經吳門題名劍池石上過
泰安月夜踏雪謁岱廟至京師觀岐陽石鼓手拓其文先
生撫浙君與曼生同在幸舍孫淵如爲書曼雲吟館額籌
海之暇佐先生翔詁經精舍建第一樓校日本國七經孟

子考文賦趙介山李墨莊奉

使勅封琉球詩有句云福祿樹森天使館燕支花發女君
祠蕉園雪霽眠烏鳳櫻島潮生上綠螺天橫寶島兼平島
地繞垣花更謝花先生爲梓寄廈門兩君載之封舟遠示
屬國計偕北上道出齊魯禮岱廟觀漢碑及唐人鴛鴦碑
登泰山訪王母殿瑤池及梳洗河山海經所謂環水也訪
七十二君封禪遺趾玉女池上訪秦碑殘字觀漢元封立
石唐宋摩崖石刻題名石表入黃華洞禮碧霞元君修真
處登岱頂有句云曉色東霞明日觀夜中北斗挂天門上
界星辰仙闕近中原霖雨片雲輕青天雲過衣裳冷碧落

風高吐咳寒威有振衣千仞之致若舉頭便有鴻濛意撒
手思爲汗漫游真如太白登華山落雁峰呼吸通帝座矣
居京師先後八年與翁覃溪法梧門吳穀人洪稚存楊蓉
裳張船山汪劍潭馬秋藥爲文字交嘗過梧門詩龕佐修
官史並勘定所見集七百家寓仙露坊南與朱野雲畫龕
鄰得觀所摹 南薰殿古今名賢像與朝鮮書記李光稷
輩相倡和從琅嬛先生遊灤河觀離宮別館長楊羽獵之
盛作避暑山莊賦訪前後燕趙北齊北魏遼金元明古跡
咸有題詠遼宮遺趾迴心院龍城引白翎雀諸篇尤佳爲
灤河集先寓查愴餘比鄰玉芝之堂悉讀其所藏書復移寓

孫古雲太平湖上雲繪園者三年三試春官不第乞爲外
吏同人如查梅史錢金粟陳石士楊蓉裳孫古雲畱之不
得各爲詩文以送之古雲並爲刊碧城仙館詩充歸裝焉
君之南旋也先歸錢塘省觀堂上至西溪卜地營秋雪漁
莊爲異日歸隱計偏遊湖上諸山至吳門值曼生自山左
歸族人瓜庭竹士閉門投轄遂徧覽吳苑名花瓜庭與名
姬杜宛蘭有三生之約所稱江南第一琵琶也有尼之者
君爲畱十日道地之而別至梁溪爲女冠清微道人授詩
法過陽羨達鳩茲沂江西上至皖市月轉餉河上佐宣防
者經年浚雲梯關觀黃河入海處改官吳門因移家焉攝

琴河地有虞山尙湖之勝虞山虞仲之所葬也尙胡相
傳爲尙父隱處又子游故里也李虎觀孫子瀟皆京師舊
交孫古雲查梅史高爽泉朱素人咸來僑寓得數晨夕河
東君墓湮沒久矣君訪得於拂水山莊遺趾爲修復立石
梅史撰銘子瀟作記爽泉書丹吳竹虛爲圖曼生題卷首
曰薜蘿香影琴河女士席道華屈宛仙鮑尊古爲詩紀事
寫湖女士謝翠霞詩所云誰似風流陳伯玉政餘親婦女
兒墳紀實也又爲吳冰仙修墓於小東門外立石碣焉官
瀛洲元夕見海上巨蜃珠光燭霄漢君謂唐高宗朝海上
紫雲如蓋始有此洲蓋此蜃吐氣所致亦金輪受命之符

也有功斯土宜建蜃姥祠以報寶焉雲間人爲扶鸞之戲
言君前生是玉局修書使者所至有玉女侍側君頗自喜
嘗夢中聞美人玉天之歌落花四起隨風壁立又嘗夢遊
羅浮夢入天台觀瀑夢遊淮神廟觀梅夢遇西溪水仙暗
香疏影中作爲歌詩飄飄有淩虛之意嘗遊白下假館停
雲水榭徧覽棲霞牛首之勝青溪桃葉間尤三致意爲秣
陵集五百篇莫愁湖句云開國君王能將將傾城佳麗說
卿卿爲世傳誦君所自賞者則詠韓熙載云夫子文章原
典雅才人酒色亦辛酸一聯也王井叔爲序云李供奉脫
裘換酒百年三萬六千場杜司勳螭屐尋詩南朝四百八

十寺萬廉山以茲集爲海內一絕尤愛搜訪名人遺跡以
吳之虎邱杭之天竺潤之焦山邗之瓜州秣陵之謝公墩
鳳凰臺皆太白遊跡所經宜建太白樓陶雪汀中丞賀耦
耕方伯董琴涵太守萬浣筠司馬因君言於虎邱白公祠
建慕李軒君爲置小落雁峰石供焉注少海姚春木屠琴
臨於西湖金沙港建李杜祠堂亦從君議也在揚州因與
夫爭道詢知仙人掌在甘泉山下因爲柳耆卿修墓又訪
得隋宮人袁寶兒墓於召伯埭立石碣焉在蘇州建况太
守祠於西米巷撰文勒碑並刊遺集以風有位訪女墳湖
知卽虎邱後山青黛湖也營吳宮雙玉祠墓於鵲磧西雙

王者闔閭女勝玉夫差女紫玉也張麗華舊有祠在金陵
久廢君謂張孔皆以身殉國思以停雲水榭建祠並祀南
齊潘玉兒以不負東昏也有葑菲取節之義嗜古樹奇石
見輒留連不忍去游灤河見三道梁山頂孤松賦詩美之
岱廟漢柏唐槐攝山九株松銀杏隱仙菴陶谷古梅眞州
返魂梅虎邱玉蘭皆有詩江都官舍有古槐千年物也槐
一名玉樹因署聽事曰玉樹堂石則三座塔之慶雲萬態
吳之瑞雲峰杭之玉玲瓏眞州之湘靈峰海昌之縐雲石
咸託諸圖繪加以題詠得武夷春曉一峰米襄陽舊物也
營小武夷硯山館貯之又得宋理宗復古殿巫峰硯山大

不盈尺數之得十二峰白雲環之尤珍祕焉所至種樹加
以封殖在京師種桃於橫街種海棠於雲繪園在吳門種
梅於思園在琴河種松柏桃杏於靡蕪塚在揚州種槐桐
松杉於郡庠種玉蘭於瓊花觀種梅竹蕉桂於玉樹堂在
西湖種梅孤山種柳白隄種瓊花於翠淥園嘉樹之譽有
美蔭焉又得明開夜合烏沙爾器於塞外得杪櫨子於燕
子磯得優鉢羅花於小浮玉山植之盆盎分貽湖上招提
君弱冠以詩受知琅嬛不十年負海內名諸老輩外若邵
夢餘吳澹川王惕甫舒鐵雲彭甘亭姚春木王仲瞿孫子
瀟蕭樊邨查梅史郭頻伽吳蘭雪樂蓮裳嚴麗生周筇雲

劉芙初徐雪廬王柳村伊墨卿何蘭士李墨莊王子卿萬
廉山戴金溪左杏莊孫平叔蔡浣霞汪竹海竹素兄弟咸
訂編紉在吳門十餘載品藻人倫前後七子如王其叔朱
酉生孫子和曹稼山潘功甫陸東蘿輩咸爲東南絕楚壇
坵之盛比之任昉蘭臺聚在京師爲梁溪楊蕊淵長洲李
晨蘭兩女士傭書鐫蕊蘭書記小印蕊淵評君詩云珠林
晝靜瑤花自開彩鳳一翔羣羽皆斂晨蘭評君詩云銀河
清淺碧雲徘徊華月夜明仙樂遠奏君爲蕊淵撰金箱蒼
說序爲晨蘭撰生香館詩詞集序駉儷古豔方駕孝穆所
以報也及來江左句曲駉佩香華亭廖織雲上海歸佩珊

虞山席道華屈宛仙季蘭韻蘭陵顧羽素吳興潘冰蟾錢塘孫碧梧茗玉咸以君爲宗匠太原女史辛瑟嬋選

國朝詩品以年代次君第十九人詩第一製紫鳳斑管相餉以京師舊日論君詩品如是也並作紫鳳歌寄君奉書稱碧城弟子君感其意與宛仙所貽白描百花詩囊並爲蘭桂之積珍弄之嘉定王仲蘭年十八與瑟嬋交最密多所著錄曇紅閣筆記云頤道之詩無體不備可傳之作多在中年如碧霞元君祠夏內史玉樊堂集萬仙樓題壁玉妃畫樓盧忠烈墓董小宛像皆不朽之作自鐫紅牙小印曰碧城私淑弟子自瑟嬋仲蘭先後受業而江左女士版

依者益眾詞章之外兼擅丹青若吳飛卿之精醫理嫻技擊張雲裳之善騎射陳妙雲能漢人隸書作徑尺大字吳蘋香精音律能拊琴擘阮陳秀生工晉人楷書黃耕晚顧螺峰精於鑒古皆未易才若張鳳卿錢蓮因呂靜菴范湘磬曹小琴吳飛容孫芙裳于蕊生史琴仙華芸卿黃蘭卿蕙卿春蘭秋菊各擅其勝咸以詩文書畫爲贄若曹妙清於鐵遂道人徐昭華於西河太史矣君感仲蘭事咸刻碧城弟子小印貽之仲蘭稱私淑弟子未及見君而卒錢塘陳妙雲君族女也善隸書爲君書蕙楊楹帖甚夥並爲君代書菊香小青雲友墓碣將謁君湖上嬰疾驟卒君各爲

詩以悼之。瑟嬋居梁溪，距吳門百里，居恒多病，期謁君，未得。夢見君於丹崖碧水間，賦詩寄君，所云亭亭如白雲，翩翩若元鶴，夢見古仙人空山臥雲壑是也。聞君將北行，力疾至吳門，見於楓橋。曹小琴宅，君以五楹參貽之，並許刊藕葉本金剛經，以冀祝延，卒不起，歿於來鳳橋吳飛容宅。臨終，以所著各書並感遇詩十篇，介小琴寄君，所云玉局修書地，金釵問字圖，松篁高士，鵲煙雨美人，湖及佛香，延薄命仙，藥起沈疴，弱態摧人，柳單心怨，女蘿語多，沈痛君爲刻入女弟子詩。君子裴之余甥也，有儁才，所爲澄懷堂詩文及南北水利諸書，見重當世。世以老雲小雲目之。裴